



Nuuk ulloq 6. juni 2017

Inatsisartut suleriaasianni § 37 naapertorlugu Naalakkersuisunut imaattunik apeqquteqarpunga:

1. **Talittarfiit 150-02 aammalu 150-03 taamatuttaarlu 150-05 Uummannaq-mi talittarfeqarnikkut aammalu nunami toqqorsiviusinnaasunut nunaminertanik atuiffiusinnaasunik qaqugu pittanngorsaasoqarsinnaaneranik takorluuisoqarpa?**
2. **Talittarfiit 080-11 aammalu 080-09 taamatuttaarlu 080-12 Sisimiuni tunisassiorfiup eqqaani talittarfiup qalliutaa aammalu tunisassiorfimmuq aqputaa qaqugu pittanngorsarneqarsinnaanera takorloorneqarpa?**
3. **Sikuki habour-imita tamakkiisumik atuleriarpat tamanna kilisaatinut Sisimiut-ni usigiartartunut qanormita sunniuteqarsinnaanera takorloorneqarpa?**
4. **Kangerlussuarmi talittarfeqarfik (082) taassumallu ungataatungaa qaqugu pittanngorsarneqarsinnaanera takorloorneqarpa?**
5. **Attu-mi talittarfiup (092-03) qalliutaa aammalu nunaqarfimmuq aqquuserna qaqugu pittanngorsarsinnaaneramita takorloorneqarpa?**
6. **Iginniarfik-mi umiarsualivik (095-01) qaqugumita taava suliarinnittussasiuteqqinniarpa?**
7. **Kangaatsiami nuuliaq (090-01) qaqugu pittanngorsarneqarsinnaanera takorloorneqarpa?**
8. **Talittarfiit 090-01 aammalu 090-02 Kangaatsiaq-p kujataatugaani Ippernat-ni kisaq puttaquussuortalik anorlertillugu qimaaffiusartoq kimit oqartussaaffigineqarpamita?**

(Inatsisartuni ilaasortaq Villy Olsvig, Inuit Ataqatigiit)

Tunngavilersuutit:

Tunngavilersuutima annertunersai atuarneqarsinnaallutillu takuneqarsinnaapput umiarsualivinnut immikkoortumut pilersaarut Kalaallit Nunaanni 2016 – 2026-vimeersumi

1. 150 Uummannaq

Ukioq 2016-nip naajartulernerani Aalisarnermut Piniarnermut Nunalerinermullu ataatsimiisitaliaq Uummannaq-mut paasisassarsiorluni angalammatt peqataasimavunga tassanilu immikkut illoqarfimmiinninni maluginiarsimasama ilaat tassalu ullaakkut aalisartut piniartut aallarniarlutik piareersartut assut maluginiarsimavakkam atukkat sillimaniarnermut aammalumi pisatanut nalilinnut qanoq sunniuteqarsinnaaneri, angaalataappata anginerusut imaluunniit umiatsiaappataminnerunngitsumillu orsersorniartarnerannut tunngasut.

Minnerunngitsumillu Uummannaq aalisartoqarfiuvoq taamaattumik talittarfeqarfiani tattoorliunnerujussuaq toqqorsiveqarniarsinnaanermut tunngasut, kommuni pineqartoq peqatigillu-innarlugu qanoq iliuseqarfigneqartariaqarsorinartut, illoqarfimmi pineqartoq sikusartoqarfim-

miiippoq tamaalilluni piffissami sivirusinnaasartumi umiarsuarnik pajuttunik tininneqarsinnaajunnaaqassinnaasarpoq.

Issuaaneq Uummannaq-mi talittarfeqarnikkut oqariartuummut "2013-imi Namminersorlutik Oqartussanit sissap malerujussuarnut innarlitsaalioneqarnissaanut missingersuummik C-mik piumasimapput. Siunnersuutip imaraa umiarsualiviup eqqaata imartaani ujaqqanik nunniukamik pilersitsisoqassasoq, taannalu ilulissat aserornerisa qaffianeridik annikinnerulersitsisoq eqqarsaataavoq. Sananeqarnera itissusaalu apeqqutaatillugu missingersorneqarpoq sanaartugassanut aningaasartuutit 15 – 20 mio. kr.-nit missaaniissasut. Tamakkiisumik siunnersuutigineqarpoq illoqarfimmi sissap innarlitsaalioneqarnera pitsanngorsarneqassasoq.

Sanaartugassanik pisariaqartitsinermit aalisakkerivik aalajangiisuvoq aamma sanaartugassanik nutaanik pilersitsineq pisariaqartitanik piviusunik misissuinermit toqqammaveqarluni ingerlanneqassaaq.

Uummannaq Upernavillu sissap innarlitsaalisarneqarnissaanik pisariaqartitsippat illoqarfiit malissuarnik qaffiarnernillu eqqorneqartarmata. Tamarmik pitsaanngitsumik sunniuteqartarput illoqarfiit umiarsualiviisa ineriartornissaraluannut. Sissat innarlitsaalisarneqassappata naatsorsuutigineqarpoq minnerpaamik 15. mio. koruunit atorineqassasut tamarmik immikkut. Kaammattuutigineqarpoq periarfissat misissorneqarnerunissaannut aallartisaasoqassasoq sissat innarlitsaalisarneqarnissaannut. " Issuaaneq naavoq

2. 080 Sisimiut

Tunisassiorfimmuut raajanik aammalumi aalisakkanik il il. tulaasuiveqarfimmiit tunisassiorfiup tungaanut aqqutit isumannaallisaaneq eqqarsaatigissagaanni soorluuna piaartumik misissorneqartariaqartut tassami qalliutaaniartoq cement-i arlalittugit annikinnerusumik anner-tunerusumilluunniit innarlarsimalernikoopasimmat.

3. Sikuki Harbour A/S

Issuaaneq " Kommuneqarfik Sermersooq

Assartugassat annertussusaat malunnartumik ukiut kingulliit ingerlaneranni annikillismapput.

Taassumalu saniatigut takornariaqartitsinermit inissamik amigaateqarpoq. 2002-mi sanaartornerujussuaqalernera **kilisaatersortut ilaat Sisimiunut nuuttariaqalersimanerannut** peqqutaasimavoq. Umiarsuarnut anginerit umiarsualivimmuut tulattartunut aammalu namminersortunut angallatinik mikinerit angalasartunut.

Qeqqata Kommunia

Piffissap qeqqata missaani ukiuni 2000-imiit - 2013-imut 240.000 m³ missaanni annertun-erpaaffiusimavoq tassunga peqqutaavoq **aalisarnermik ingerlatsineq annertoq Nuummiit Sisimiunut nuunneqarmat**. Kisiannili assartugassat annertussusaat milliartuaarsimavoq 2000-2013 piffissap qeqqaniit." issuaaneq naavoq

4. 082 Kangerlussuaq

Issuaaneq Kangerlussuaq-mi talittarfeqarnikkut oqariartuummut "Kangerlussuarmi umiarsualiviup allineqarnissaanut periarfissat pillugit imaluunniit nutaamik umiarsualivimmik pilersitsinissaq Qeqqata Kommuniata aamma Namminersorlutik Oqartussani Umiarsualiveqarnermit immikkoortoqarfiup akornanni oqaloqatigiissutigineqarpoq. Nutaamik umiarsualiviliorqarnissaanut annertuumik tunngavileeqataasusaaq tassaavoq nunaqarfiup mittarfiata siunissami ingerlanneqarnera, tassami Ilulissani aamma / imaluunniit Nuummi mittarfimmuut pilersaarutit piviusunngortinneqassappata malunnaatilimmik allannguuteqassaaq.

Taamaamat Kangerlussuarmi umiarsualivimmut atatillugu pilersaarutit attaveqaatinut pioreersunut allanut tulluarsarneqartariaqarput.

Umiarsualivinnik aserfallatsaaliuinissamut iluarsartuussinissamullu aningaassaliissutit 25,2 mio. koruuninik amerlassuseqartut ilaat saniatigut ukununga aamma atorneqartussaapput:

Sioqqanik milluaanerit umiarsualiveqarfinni angallatillu aqutissaanni, soorlu Kangerlussuarmi.

Silap ingasattumik allanngorarnera ingerlaannassappat Kangerlussuarmi akulikinnerusumik sioqqanik milluaasoqartariaqartarnissaa naatsorsuutigisariaqarpoq.

Agguaqatigiissillugu naatsorsuutigineqarpoq ukiumut sioqqanik milluaasarnerit illoqarfinni nunaqarfinnilu 1,5 mio. koruunit missaanik naleqartassasut, kisianni 2017-imi aammalu 2021-mi annertunerussallutik.

Mittarfiit pillugit immikkut pilersaarussiaq siunissami periarfissanik assigiinngitsunik ammaassissatut naatsorsuutigineqarpoq, pingaartumik umiarsuit takornariartaatsit aqutigalugit takornarissat paarlaatsinneqartarnerannut tunngatillugu.

Silaannakkut angallannikkut immikkoortumik pilersaarusiame aammattaq Ilulissani aamma Nuummi mittarfiup tallineqarnissaannik imaqarpoq. Taamaaliornikkut Europamiit Amerika avannarlermiillu toqqaannartumik angalasoqarsinnaalissaaq. Ilulissani Nuummilu mittarfinnut pilersaa-rusiat piviusunngortinneqassappata Kangerlussuarmi silaannakkut angallannermut sunnuteqar-sinnaasoq ilimagineqarpoq.

Massakkuugallartoq Kangerlussuup mittarfittut atugaaginnarnissaanut aalajangiinissaq apeqqu-taaginnarpoq umiarsualivittaassapaallartinneqarsinnaanissaanut. Tassami ilaasartut Ilulissanut aammalu/imaluunniit

Nuummut nuuneqarpata Kangerlussuarmi ilaasut taarserneqartarnissaat ikilissammata, umiarsualivillu tassunga naleqqussartariaqassalluni." Issuaaneq naavoq

5. 092 Attu

Issuaaneq Attu-mi talittarfeqarnikkut oqariartuummut "Umiarsualivik sumiiffinnut aalajangersimasunut aserfallatsaaliuinissamut periusissamut ilaajuassaaq, umiarsualivillu sunut tamanut atorsinnaanngorlugu nutarterneqassaaq." Issuaaneq naavoq

6. 095 Iginniarfik

Issuaaneq Iginniarfik-mi talittarfeqarnikkut oqariartuummut "Umiarsualivimmik ataannartumik pilersitsinissamut suliniuteqartoqarpoq, 2016-imi suliariumannittussarsiuineq ingerlanneqarpoq. Suliariumannittussarsiuussinermi neqerooruteqartoqanngilaq aamma allatut iliuuseqarluni neqeroorutinik pissarsiniarnissaq suliarineqarpoq." Issuaaneq naavoq

7. 090 Kangaatsiaq

Issuaaneq Kangaatsiaq-mi talittarfeqarnikkut oqariartuummut "Kangaatsiani marlunnik umiarsualiveqarpoq - Malinnut assiaqutaq aamma Tingerlaatilinnut aartarfik - taakku marluullutik Namminersorlutik Oqartussanit pigineqaannassapput. Umiarsualivik allineqassanngilaq.

Umiarsualivik sumiiffinnut aalajangersimasunut aserfallatsaaliuinissamut periusissamut ilaajuassaaq, umiarsualivillu sunut tamanut atorsinnaanngorlugu nutarterneqassaaq." Issuaaneq naavoq

8. 090 Kangaatsiaq

Kangaatsiaq-p kujataatugaaniittoq Ippernat tassaniippoq anorlertillugu kisaq qimarnuiusinnaasoq Umiarsualivinnut Immikkoortumut pilersaarut Kalaallit Nunaanni 2016 – 2026-rummi taaneqarsimanngilaq, taannalu kiap oqartussaaffigineraa paaserrusunnassaaq.

Ullut qulit qaanngiutsinnagit akineqarnissara kissaatigaara.